

奎章總目地

奎章摠目卷之三


皆有窩丙庫

子

儒家類

孔子家語二本

王肅曰家語者當時公卿士大夫七十二弟子所
諮討交相對問也既而諸弟子各自記其所聞取
其正實而切事者別出為論語其餘都集錄之名
曰家語○陳振孫曰孔子二十二世孫猛所傳王
肅為之注或曰博士安國所得壁中書亦未必然
其間所載多已見左氏傳大戴禮諸書



荀子八本

趙荀况撰唐晁倬注○晁公武曰漢劉向校定荀子題曰新書至唐楊倬始為注更新書為荀子其書以性為惡以禮為偽非諫諍傲灾祥尚強霸之道論學術則以子思孟軻為飾邪說文姦言與墨翟惠施同詆馮論人物則以平原信陵為輔拂與伊尹比干同稱馮其指徃徃不能醇粹故後儒多疵之云

董子三本

漢江都相董仲舒著孫鑛序曰繁露諸書博極閎

深而著精神處尤在尚德緩刑一語

太玄經二本

漢成都揚雄著宋涑水司馬光注總十卷○溫公說玄曰班固稱諸儒或譏揚雄非聖人而作經猶春秋吳楚之君僭號稱王余亦私恠雄不賁易而別為玄及長學易苦其幽奧難知以為玄者賢人之書校於易其義必淺其文必易故願先從事於玄以漸進於易於是求之積年稍得窺其梗槩嗚呼揚子雲真大儒者邪孔子沒後知聖人之道者非子雲而誰孟荀殆不足擬况其餘乎觀玄之書

明則極於人幽則虛於神大則包宇宙細則入毛
髮合天地人之道以為一籍使聖人復生視玄必
釋然而笑以為得己之心矣乃知玄者以賁易也
非別為書以與易角逐也何歆固知之之淺而過
之之深也

周子全書一本

宋周子著朱子註總七卷○朱子曰濂溪夫子自
少以學行聞於世而莫或知師傳之所自獨以西
程嘗受學焉而得孔孟不傳之正統則其淵源固
可槩見然所以指夫仲尼顏子之樂而發其吟風

弄月之趣者亦不可得而悉聞所著之書又多放
失獨有易通與太極圖說并出程氏以傳於世而
其為說實相表裏大抵推一理二氣五行之分合
以紀綱道體之精微決道義文辭利祿之取舍以
振起俗學之卑陋至論所以入德之方經世之具
又皆親切簡要不為空言願其宏綱大用非秦漢
以來諸儒所及而其條理之密意味之深又非今
世學者所能驟而窺也是以程子既沒而傳者鮮
焉其知之者不過以為用意高遠而已○晁公武
曰茂叔師事鶴林寺僧壽涯以其學傳二程遂大

顯於世此其所著也

二程全書十四本

宋朱子編次明徐必達校正遺書二十卷遺書附錄一卷外書十二卷粹言二卷易傳四卷經說八卷明道文集五卷伊川文集八卷遺文一卷續附錄一卷總六十八卷○朱子曰明道之言發明極致通透灑落善開發人伊川之言卽事明理質慤精深尤耐咀嚼然明道之言一見便好久看愈好所以賢愚同獲其益伊川之言乍看未好久看方好故非久於玩索者不能知其味

張子全書三本

宋橫渠張子著朱子註總十五卷張舜民以為仁義道德之理死生性命之分治亂國家之經罔不究通方之前人其孟軻揚雄之流云

邵子全書十四本

宋康節邵子著皇極經世書十七卷擊壤集六卷附錄一卷總二十四卷○陳振孫曰其學出於李挺之挺之受之穆修修受之种放放受之陳搏蓋數學也○朱國禎曰先生所著書若干卷考功徐公刻之以傳或以為數學而忽之不知先生通天

地陰陽之紀察日月星宿之會明鬼神幽顯之理
達龜筮鈐決之奧觀運處身臨政治國咸於此出
近思錄八本

宋朱子與呂祖謙輯周程張四子書關於大體而
切於日用者六百十九條取切問近思之義以名
之

仕學規範三本

宋奉議郎張鎡撰記宋代名賢言行分學問行己
蒞官陰德四類並附詩文

朱子遺書十四本

未詳撰人姓名取朱子近思錄延平問答禩學辨
中庸輯略論孟或問伊洛淵源錄上蔡語錄論孟
精義小學易學啓蒙詩序辨儀禮經傳通解諸篇
合為一書而儀禮通解則只著目錄未及編入

大學衍義十五本

宋叅政真德秀撰以帝王為治之序為學之本立
二綱以格物致知之要誠意正心之要修身之要
齊家之要列四目推行大學之義用示君天下者
之律令格例云

黃氏日抄六十本

宋宗正少卿慈溪黃震撰沈達序云所閱經史諸書隨手考訂并奏劄申請勸誡等作凡百卷

性理大全二十二本

明永樂時翰林學士胡廣等奉勅撰首編周子通書張子正蒙邵子皇極經世書朱子易學啓蒙家禮蔡元定律呂新書蔡沈洪範內篇復採先儒格言至論各以類分曰理氣曰鬼神曰性理曰道統曰諸儒曰學曰諸子曰歷代曰道曰治道曰詩文凡十一門

聖學心法四本

明成祖御纂御製序曰唐文皇作帝範十二篇以訓其子。飭躬闡政之道備在其中。朕常欲立言以訓子孫。故於幾務之隙。采古聖賢嘉言。編輯為書。名曰聖學心法。

讀書錄八本

明太學士薛瑄著有前後二集及續集。自識曰橫渠張子云。心中有所開。即便劄記。不思則還塞之矣。余讀書至心有所開處。隨卽錄之。蓋以備不思而還塞也。若所見之。是否則俟正於後之君子云。大學衍義補三十本。

明太學士丘濬編共一百六十卷神宗御製序曰
宋儒真德秀為大學衍義止於格致誠正修齊而
治平猶闕太學士丘濬乃繼續引伸廣取未備揭
治國平天下之要

聖學格物通四十本

明吏部侍郎湛若水輯仿真氏衍義邱氏衍義補
二書推廣其例係嘉靖間經進本

諸儒粹言五本

明安成鄒善著自濂溪至陽明十六人語總十六
卷楊廷筠序曰鄒穎泉先生衣鉢文莊而禘郊乎

新建其窮理盡性有得意忘言者猶患儒言充棟
後學望洋爰撫其喫緊者彙成一編以此為學亦
以此為教命曰數學粹言

性理諸家解二十四本

明大理少卿韓邦奇輯正蒙會稿四卷皇極經世
十卷玄玄集六卷觀物篇解六卷啓蒙意見五卷
律呂直解一卷洪範圖解一卷共二十九卷楊維
聰序曰性理諸書自宋儒發之所以道陰陽闡性
命其辭深其旨遠學非上達茫未易入今得苑洛
公發明之所以戶牖諸生者不甚至乎

困知記三本

明吏部尚書泰和羅欽順撰上下二卷嘉靖戊子
自序續二卷辛卯癸巳自跋二三續四續各一卷
丙子自跋附錄續補各一卷皆與人往復之書并
稿著及自序履歷外續則贈言神道碑祭文等碑
文乃嚴嵩作然不足以污先生也

陋巷志五本

明江東陳鎬編海鹽呂兆祥重修立四志曰像圖
曰世家曰恩典曰藝文總十卷自序曰志以陋巷
名志先師復聖所居之地也志初附三氏志中正

德紀元侍御鄭州曹公按視山東遂謁先師廟而
問志焉太博公鎡以未有專志對公曰宜亟成之
以陋巷名書既而太博錄事蹟詩文猥以屬鎬俾
為筌次其義例多取諸闕里志

三遷志六本

明山東按察僉事蒼溪史鶚編海鹽呂兆祥重修
鶚自序曰予觀兵東魯睹孟子廟貌吊其遺塚禮
其宗裔及扣其志尚未有專製予為慨然命教官
費子增遍考群籍刪煩存要集為全帙予重加證
定補其缺正其訛使像圖爵田記贊之故厯厯可

考至于宗系俾僞者不得以肆其亂題其名曰三
遷志蓋取孟子作聖之功由于母氏蒙養之正公
濂溪志五本

明嚴陵魯承恩編分二十四類總十卷其自為凡
例曰濂溪舊無志止有濂溪遺芳集作於先生裔
孫周冕編次無序不足以發明先生之道今止錄
其事實文詞而詳加增益證正成書本先生始生
之地而名之云

六經纂要二本

明顏茂猷輯分君臣人倫修治三門君臣之目三

十六人倫之目五修治之目四十四綴取六經句
語各以類附蓋制舉之需而已無益於經者也

聖學宗傳八本

明紹興周汝登編自伏羲至羅汝芳立傳凡八十
二作道統正系圖以陸九淵王守仁接于周程之
下總十八卷

日知錄八本

明東吳顧炎武著潘耒序曰顧寧人先生少負絕
異之資潛心古學九經諸史畧能背誦尤留心當
世之故實錄奏報手自抄節經世要務及復講求

當明末奮欲有所自樹而迄不得試窮約以老所
著日知錄稽古有得隨時劄記久而成書經義史
學官方吏治財賦典禮輿地藝文之屬一一疏通
其源流考正其謬誤學博而識精理到而事達明
三百年殆未有也

朱子全書三十本

清康熙御纂太學士熊賜履李光地等編次蓋以
朱子文集語類分門彙類薈為一書

性理精義五本

清康熙時勅太學士李光地纂康熙御序曰前明

纂修性理大全一書取者太煩類者居多命太學
士李光地詮擇進覽授以意指省其品目撮其體
要使諸儒之闡發不襍於支蕪復使學者之搜尋
不苦於繁重至於圖象律曆性命理氣之源前人
所未暢發者朕亦時以己意折中其間云

太上感應篇八本

清翰林編修許纘曾等奉勅撰自六經子史以及
百家之言凡有當於勸戒者彙成一編又命內院
詞臣翻譯有順治御製序

義門讀書記十二本

清長洲何焯著○蔣元益序曰義門先生儲書數
萬卷丹鉛不去手所發正咸有義據其大在知人
論世而細不遺草木蟲魚識者歎其學問殫洽不
讓王厚齋非鄭漁仲輩所可幾然當時得其隻字
盡秘枕中其後耗蠹散亡僅有存者談藝家所由
抱恨於生不同時也從弟維鈞好讀書嗜何氏學
以先生猶子祖述向曾開雕讀書記止六卷思續
其志且廣其傳博搜遐訪擴至十數種與同志審
真贋訂魚魯凡三閱寒暑而竣剞劂學者所當家
有其書也

學統十六本

清孝昌熊賜履編分正統翼統附統禔統異統總五十六卷其自序以為魯鄒以降歷乎洛閩逮今二千餘年其間道術正邪與學脉絕續之故衆議紛拏訖無定論予斷自洙泗暨於有明為之究其淵源分其支派審是非之介別同異之端云

關里志十本

清衍聖公孔允植輯明弘治中吏部尚書李東陽撰關里志凡為卷十三為目十四允植研證舊志斥賈登遺蒼為全書

明儒學案二十本

清姚江黃宗羲輯明代儒家以有所授受者分為
各案其特起者後之學者不甚著者總列諸儒之
案首述師說劉氏蕺山之旨也各案先崇仁次白
沙次河東次三原次姚江而以浙中江右南中北
方閩越分列則王門弟子也次止修次泰州次甘
泉而其一再傳三傳者并見焉然後述諸儒及東
林而以蕺山殿皆繫其爵里行事并論著亦采之
湯潛菴稱其為一代理學之傳如大禹導山導水
脉絡分明事功文章經緯燦然真儒林之巨海吾
黨之斗杓也

朱子晚年全論三本

清臨川李紱編其自序曰夫謂朱子晚年譏陸子為禪雖道聽塗說世俗科舉之士皆能信之謂朱子晚年之論盡與陸子合則雖有意為學而粗涉其涯涘者亦不能無疑焉今詳考朱子大全集凡晚年論學之書確有年月可據者得三百五十七條共為一編○臣謹按朱陸早異晚合之說始起於程敏政之道一編中行於王守仁之晚年定論終成於李紱之晚年全論而江西一派至于今餘波漫漫矣顧炎武所以夷甫之清談介甫之新說

伯安之良知并當一亂而深有望於後賢之撥亂
反正者豈為過語哉然守仁之倡為此說也前有
泰和之往復論辨後有東篋之學薈通辯明二家
早晚之實著群儒顛倒之非而今之與李紱辯者
寂未聞其人則朱子所謂不知此禍何時而已者
似若遙覩後日宗陸氏之弊矣夫以朱子此言發
於象山已沒之後而強拈其曰人之教曰病之藥
專言涵養之一二句語謂朱陸之卒爛漫者又何
其自欺欺人也

理學正宗六本

清朱陽竇克勤編克勤謂自洙泗而後歷漢唐諸
儒學述雜而不純不得與大宗之列接統者惟周
程朱子遂以濂溪為始次兩程橫渠次楊龜山胡
康侯羅豫章李延平次朱子張南軒呂東萊蔡九
峰次黃勉齋許魯齋薛敬軒各採列傳語錄以明
道統之嫡傳總十五卷

事親庸言十本

清竇克勤著陳樸序曰取昔聖之言條分縷析或
詮釋其理或實疏以事極克為孝之量曲盡教世
之心

知本提綱十本

清茂陵楊出著總十卷其自序曰此開門屏事力
索詳探盡棄語言文字靜思九載切心推測驗造
化辨五行察性形別物理究其當然併窮其所以
然殫思竭慮著為訓蒙專書名曰知本提綱

聖學知統錄五本

清栢鄉魏喬介著自伏羲至明薛瑄二卷又有翼
錄自伯夷至明高攀龍二卷附以致知格物解二
卷總六卷其自序曰篇中所輯或攷諸經史之正
文或徵諸先儒之格言蓋推天命人心之自然以


發大中至正之極則而功利襍霸異端曲學之私不敢一毫駁襍於其間

張中丞證集一百七十二本

清儀封張伯行輯分四部一曰立德二曰立功三曰立言四曰氣節立德部自序曰宋興而濂溪出發太極之奧嗣是而伯子叔子橫渠力肩斯道至朱子而集其大成外而若龜山和靖上蔡豫章近平南軒勉齋克齋皆直接程朱而元之許明之薛胡皆踐履篤實其於立德之科可以不愧予因裒集前後諸刻以五君子立之宗其它皆可從此統

爲立功部自序曰聖人之道蘊之爲德行行之爲
事業歷觀史冊於漢得諸葛武侯於唐得陸宣公
於宋得韓魏公范文正公司馬溫公數君子宰世
馭物取諸其懷而裕如彼於本原之地豈漫無蘊
蓄而能然哉爰取其遺文之未泯者彙證成集立
言部自序曰唐有韓退之柳子厚宋有歐陽永叔
曾子固王介甫蘇氏父子可以追西漢之盛推爲
大家之文倘所謂立言而能不朽者耶余選是集
不特以資作文之用而窮理格物之功卽於此在
氣節部自序曰綱常名教之重所藉以長昭於天

下者賴有人焉予每欲求其遺書哀而輯之而人
文俱喪不獲多見幸於宋得二人曰文文山謝疊
山於明得三人曰方正學楊椒山楊應山忠肝義
膽自不藉此文詞之末而文詞亦精氣之所發有
不可得而掩者矣



天文類

清類天文分野之書十本

明洪武間欽天監編進或云劉基所撰以十二星
次分配天下郡縣又於郡縣之下詳載古今沿革

天

天

曆象類

治曆緣起八本

未詳撰人自崇禎末至康熙初中西二法較測之
章奏○臣謹按明崇禎時日食屢不驗帝責臺官
禮部尚書徐光啓疏言本朝曆數專用郭守敬授
時法而元時嘗當食不食守敬且僉無恆臺官之
失驗遂請用西洋人湯若望新曆帝可之布衣魏
文魁謂中曆本自不差西法與古不合上疏亟之
帝命開中西兩局較測日食以審優劣光啓文魁
各預測日食具藁上之及食光啓驗文魁不驗乃

會定用西法未幾國變不得施行至清康熙初勅
湯若望等開局于首善書院舊基用西法推步行
時憲曆法

西洋新法曆書四十一本

明禮部尚書徐光啓曰西洋人利瑪竇湯若望等
新法潤色之測天約說二卷日躔曆指一卷月離
曆指四卷恒星曆指三卷恒星經緯圖一卷五緯
曆指几卷交食曆指七卷測食二卷籌度一卷大
測二卷測量全義十卷比例規解一卷渾天儀說
五卷遠鏡說一卷曆引一卷古今交食考一卷割

圓八線表一卷日躔表二卷月孛表四卷黃赤距
度表二卷恒星出沒表二卷恒星經緯表二卷五
緯表十卷交食表九卷總八十三卷

渾蓋通憲圖說一本

明極西利瑪竇授其制仁和李之藻錄其說之藻
自序云全圖為渾割圖為蓋渾儀語天而弗該厚
載周髀算地而見東地圓以渾詮蓋蓋乃始明以
蓋佐渾渾乃始脩崔靈恩以渾蓋為一義而器測
蔑聞說亦莫考故為此書○臣謹按渾天譬如塑
像蓋天譬如繪像通憲即渾天之影而蓋天之法

也南北兩極為心晝短規為窠外赤道規為次內晝長規為窠內三規既具然後地平隨北極而高低黃道隨日躔而游移晝察時刻夜考星辰實儀象之神變妙用也

儀象志十四本

清康熙時西洋南懷仁撰六儀一曰天體儀二曰地平經緯儀三曰赤道儀四曰黃道儀五曰象限儀六曰紀限儀圖表術數俱極精密

數理精蘊四十五本

清康熙時西洋戴進賢翰林編修梅穀成等撰以

西法之比例參古法之九章首幾何原本次線部
次面部次體部次末部終比例規解真數學之大
成曆家之津梁而但幾何原本一篇不若利瑪竇
初本之精簡通透

欽若曆書三十本

清康熙時西洋戴進賢翰林編修梅穀成等撰謂
天地俱圓如卵裹黃北極以南北而有高低節氣
以東西而有早晚寒熱五帶之說晝夜半年之理
證諸克典周髀確然符合其篇有日躔月推五星
交食等曆理及立成

曆象考成後編十本

清雍正時西洋劉松齡撰謂時憲法行之多年躔
度微覺有差且日月五星本天前測皆為正圓而
今測實橢圓遂改日躔月推交食曆理立成五星
則未及改

卜筮類

焦氏易林四本

漢天水焦延壽傳易於孟喜此其所著書也費直題其前曰六十四卦變蓋每卦變六十四總四千九十六首皆為韻語頗類左氏所載繇辭○葉夢得曰焦易京房易二書大抵皆卜筮陰陽氣候之言不復更及易道○顧炎武曰易林起是東漢以後人撰而托之焦延壽者延壽在昭宣之世其時左氏未立學官今易林引左氏語甚多又徃徃用漢書中事如曰彭稚濟東遷之上庸事在武帝元

鼎元年曰長城既立四夷賓服交和結好昭君是
福事在元帝竟寧元年又曰劉季發怒命滅子嬰
又曰大蛇當路使李畏懼則又非漢人所宜言也

農家類

農桑輯要七本

元世祖勅司農司撰進翰林學士王盤序曰聖天子欲使斯民永無饑寒詔立司農司專以勸課農桑為務行之五六年民間墾闢種藝之業增前數倍農司諸公又慮夫田里之人雖能勤身從事而播植之宜蚕繅之節或未得其術於是徧求古今農家書披閱參考刪其繁重撙其切要纂成一書目曰農桑輯要凡七卷

農政全書二十本

明禮部尚書徐光啓著（陳子龍曰徐文定公學
究天人皆主實用而尤留意農事躬執耒耜之
親嘗草木之味雜採衆家兼出獨見而成書

醫家類

金匱玉函八本

漢張機撰設答問雜病形證脉理叅以療治之方
宋仁宗時王洙得於館中用之甚效合二百六十
二方

大觀本草十一本

宋唐慎微撰艾晟序云慎微目見聞所逮博采而
備載之于本草圖經之外又得藥數百種益以諸
家方書與夫經子傳記佛書道藏凡詳明乎物品
功用者各附于本藥之左其為書六十餘萬言名

曰經史証類備急本草

本草綱目四十本

明蕪陽李時珍輯為部者十六為類者六十二首
以釋名終以附方凡氣味形色治法功用無不備
著

雜病證治類方八本

明金壇王肯堂輯

本草述十九本

明尚書潛江劉若金著分三十二部總三十二卷
譚瑄序曰其為書另出杼軸去華務實以軒岐素

難為之根柢而貫穿融匯於張潔古李東垣王海
藏朱丹溪諸家引而不發者咸為抉其奧展其蘊
而暢大之

萬密齋全書二十本

明羅田萬全著張坦議序曰密齋全書理該辭達
試無不應、無不神真壽世保元之珍男女居室
之所不可湏臾離者

東醫寶鑑二十五本

本朝陽平君許浚奉 教撰清湖廣鄉試同考官
番禺凌魚序曰言東醫者何國在東故醫言東也

今陽平君僻介外藩乃能著書行于華夏言期足
傳不以地限也是編先以內景泝其源也次以外
形疏其委也次以雜病辨其症也終以湯灸定其
方也循古人之成法能神而明之業已上獻闕庭
見推國手矣

兵家類

百將傳十六本

宋張預撰預觀歷代將兵者所以成敗莫不與孫武書相符契曰擇良將得百人集其傳成一書而每傳必以武之兵法斷之

武編十二本

明武進唐順之纂蒐輯古今兵家諸說前編六卷後編六卷總十二卷姚文蔚序曰貫穿七書包絡通典出入百將傳紀効新書等集通古今該細大軍旅之事亦云備矣

登壇必究二十七本

明淮陰王鳴鶴輯張朝瑞序曰王羽卿出自將門
周旋鞭弭顧未嘗一日廢書間集兵家言為登壇
必究若干卷孤虛旺相阨塞形勝以至軍興所須
洪巨纖悉靡不備矣

督戎疏紀六本

明豫章李守鐫撰自序曰己巳之役逆奴突犯都
城承平日久民不知兵一朝郊圻多壘宗社震驚
竇從來所僅見者倉卒登埤肩宏任鉅其如力綿
才謏跼蹐靡遑仰荷聖主當陽旋卽蕩平幸際提

協臺省諸君子朝夕共相補偏救敝而免於罪讐也凡增減劑畫存故維新之務不佞妄叨職總自不敢逡縮有執筆具稿者如千偶於閒屋搜獲舊本付之剞劂

戎事類占六本

明豫章李克家輯卽行軍占驗之術

金湯十二籌十本

明淮南李盤著分修備訓練積貯制器清野方略申令設防拒禦阨險水戰制勝十二目謂之十二籌總十二卷其自序曰是書繇韓子兩公有守圉

全書予為刪其繁增其缺周子臺公重加叅證

廣百將傳七本

明古閩黃道周輯其自序曰百將一書為武而設則智勇所在與夫正之為正奇之為奇必細：拈出使披閱者一覽而知前人之用意方不愧著書之大義倘纂修無識於武何益此舊本所以不足重輕也曰取而較之芟其繁文出其精要又總斷其智勇之所在使覽者會心而悟云

武備志四十八本

明歸安茅元儀輯分部為五兵訣評十八卷戰畧

考三十三卷陣鍊制四十一卷軍資乘五十三卷
占度載九十三卷有天啓辛酉顧起元序元儀字
止生鹿門之孫

教鍊輯要四本

清謝瑛著分為將取士耳目手足練兵養馬營陣
軍行安營天時十目總三卷



刑法類

刑書統會十本

明彭應弼輯盧廷選序曰刑聖相承代有令甲彭君良東薈萃彙輯刷而行之徑而該曲而有中真吏道之著龜也

大清律八本

清順治時太學士剛林等撰分七門總三十卷

例案全集二十八本

清山陰張光著月名例一卷職制三卷公式戶役田宅婚姻各一卷倉庫二卷課程錢債市廛祭祀各

一卷儀制一卷宮衛軍政關津各一卷廐牧郵驛
各一卷盜賊一卷人命鬪毆詈罵各一卷訴訟受
贓詐偽犯姦雜犯各一卷捕亡一卷斷獄一卷營
造河防逃人各一卷續增十一卷總四十五卷李
馥序曰例必附律案必依例年月有稽名爵可核
當官蒞政膏有章程真金科玉條也

道家類

老莊翼十本

老子卽周柱下史老聃所著莊子卽周恭園吏莊周所著明修撰焦竑輯注釋六十四家排續成編而自附焦氏筆乘于末並錄考異

南華經四本

卽莊子漢志本五十二篇晉向秀郭象合為三十三篇內篇八外篇十五雜篇十一號南華真經○陳振孫曰按晉郭象傳向秀解莊子末竟而卒象竊以為已注乃自注秋水至樂二篇又易馬蹄一

篇其餘點定文句而已其後秀義別出故今有向
郭二莊其義一也然向義今不傳但見陸氏釋文
南華經副墨十一本

明方壺外史陸西星註自著讀法曰南華文字中
有平易可解者有艱澁不可致詰者讀者但當解
其所可解而不致詰其所不可詰乃為得之若一
一為之曲說非惟支離破碎不得其旨而我曾文
艱澁之機熟抽毫臨紙忽焉入於其中而不自覺
此害事之不淺者正如禪宗中謂鹽可食却不許
汝滿口食也○胡應麟曰莊周南華其文辭瑰崛

橫放固獨行天地間至掊擊聖神凌侮賢哲亦生
民以來未有之變也眉山氏癖其文辭而謂盜踞
讓王四篇非周作尋其旨趣或近之至以天下篇
不叙仲尼為陽擠陰助則亡謂之大者

金丹正理大全十七本

明亡名氏編道書十一種總四十二卷宗室周藩
嵩嶽主人序曰金丹正理大全言言顯道句句露
機剖龍虎叅同之秘密燭陰符悟真之隱微誠修
真之模範也



Blank manuscript page with vertical ruling lines.

釋家類

諸經品節十二本

明東粵楊起元註評道釋二十九種總二十卷

楞嚴蒙鈔二十六本

清尚書錢謙益輯鈔略諸家疏義總十卷其自序
曰此經章門廣博標指參差三觀橫分三摩錯互
舊解既表中未定新章亦迤北同走竊欲甄明總
別參詳異同搜剔本根薙剷稂莠務俾鈴鍵開滌
教觀分明

楞嚴正解十一本

清天台比丘靈耀述總十二卷杜臻序曰天台金
彰法師得佛祖真印秉判釋權衡約總別以論觀
心而十卷之靈文顯揭境觀以定不惟千秋不決
之案於茲大定交允僻謬之說亦迎刃而解云

雜家類

墨子四本

宋墨翟著○馬端臨曰自夫子沒而異端起老莊
楊墨蘓張申商之徒各以其知舛馳至孟子始辭
而問之然觀七篇之書所以距楊墨者甚至而濶
略於餘子何也蓋老莊申商蘓張之學大槩俱欲
掊擊聖人鄙堯舜陋禹而自以其說勝者莊之
蔑棄仁義禮法生於憤世嫉邪其語雖高虛可聽
而實不可行料當時亦無人宗尚其說故鄒書略
不及之蘓張之功利申商之刑名大抵皆枉尋直

尺媚時取寵雖可以自售而鄉黨自好少知義者亦著稱之故孟子於二家之說雖斥絕之而猶未數數然者正以其與吾儒旨趣本自冰炭薰蕕遊於聖門之徒未有不知其非者固毋俟於辯析也獨楊朱墨翟之言未嘗不本仁祖義尚賢尊德而擇之不精語之不詳其流弊遂至於無父無君正孔子所謂似是而非明道先生所謂淫聲美色易以惑人者不容不深鋤而力辯之愚故備而言之韓文公謂儒墨同是堯舜同非桀紂以為其二家本相為用而咎末學之不辯嗚呼孰知惟其似同

而實異者正所當辯乎

管子九本

齊相管仲撰唐房玄齡注漢志管子八十六篇隋
唐志俱作十九卷今篇數與漢志合而視隋唐為
多○宋濂曰篇首題云唐司空房玄齡注或云非
也尹知章注是書非仲自著也疑戰國時人采掇
仲之言行附以他書成之不然毛嫱西施吳王好
劍威公之死五公子之亂事皆出仲後不應豫載
之也朱子謂仲任齊國之政又有三歸之溺奚暇
著書其說是矣

晏子春秋二本

齊相晏嬰撰漢志但曰晏子隋唐志作晏子春秋
未知孰是直齊書錄浙江書目俱作晏子春秋今
從之○胡應麟曰晏嬰八篇漢志列儒家按嬰謂
仲尼之學累世不能窮當年莫能究其意趣迥異
可知而偃然儒首非也劉班蓋仍太史之誤柳儀
曹以為墨家當矣

韓子四本

韓公子非著明凌瀛初訂註○晁公武曰非韓之
諸公子也喜刑名法術之學作孤憤五蠹說林說

難十萬餘言秦王見其書歎曰得此人與之游死
不恨矣急攻韓得非後用李斯之毀下吏使自殺
書凡五十五篇其極刻覈死誠惻謂夫婦父子舉
不足相信而有解老喻老篇故太史公以為大要
皆原於道德之意夫老子之言高矣世皆怪其流
裔何至於是殊不知老子之書有將欲翕之必固
張之將欲弱之必固強之將欲廢之必固興之將
欲奪之必固與之及欲上人者必以其言下之欲
先人者必以其身後之之言乃詐也此所以一傳
而為非歟

鵠冠子三本

陸佃序曰鵠冠子楚人也居於深山以鵠為冠號曰鵠冠子其道踳駁著書初本黃老而末流迪於刑名傳曰申韓厲名實切事情其極慘礪少恩而原於道德之意蓋學之弊有如此者也故曰孔墨之後儒分為八墨離為三嗚呼可不慎哉此書雖雜黃老刑名而要其宿時若散亂而無家者然其奇言奧旨亦每每而有也自博選篇至武靈王問凡十有九篇而退之讀此云十有六篇者非全書也今其書雖具在然文字脫繆不可考者多矣語

曰書三寫魚成魯帝成虎豈虛語哉余切閔之故
為釋其可知者而其不可考者輒疑焉以俟博洽
君子

呂氏春秋八本

秦相呂不韋撰後漢高誘註其書有十二紀八覽
六論○晁公武曰按史記不韋相秦致辯士厚遇
之使人人著所聞集論以為八覽六論十二記二
十餘萬言備天地萬物古今之事號曰呂氏春秋
然十二紀者本周公書後儒實於禮記善矣而目
之為呂令者誤也○陳振孫曰十二記者即今禮

記之月令也

淮南子八本

漢淮南王劉安著明黃之案校○洪邁曰淮南王招致賓客方術之士作為內書二十一卷外書甚衆又有中篇八卷言神仙黃白之術漢書藝文志淮南二十一卷淮南外篇三十三卷列於雜家今所存者二十一卷蓋內篇也

空際格致二本

明極西高一志撰自序曰空際所睹變化之蹟繁矣奇矣明著矣究其所以然者格致之學恒以為

難余將測其略須先推明其變化之竊根然後可
切根者唯四元行所謂大氣水土是也

記法一本

明泰西利瑪竇著其篇有六一原本二明用三設
位四立象五定識六廣資卽習人記性之法也

天學解惑一本

明福晉張賡著附西方答問卽遠西艾儒略著張
賡自引曰天主者天地萬有之主宰而古聖稱云
上帝也崇天主者是昭事上帝至德也原无庸惑
而惑之余不得已作解惑○艾儒略自序曰余間

關九萬里東來頻遇好學名碩下問天學理義及
敎邦風土習尚或隨事筆記漸次成帙云

人相編十本

明蘭谿陸位崇編楊涼序云斗南陸公博采諸家
相法謬者正之闕者補之雖麻衣復出難以更改
地理直指八本

清四明僧如玉著奇形怪穴吉地凶土或繪而為
圖或演而為論其于收山出煞會旺迎生之法捨
禍求福之訣簡約該盡云

說家類

世說新語八本

宋臨川王劉義慶撰梁劉峻孝標注東漢以後事
分三十八門○高似孫曰義慶采擷漢晉以來佳
事佳話為世說新語極為精絕而猶未為奇也梁
劉孝標注此書引援詳確有不言之妙○胡應麟
曰劉義慶世說十卷讀其語言晉人面目氣韻恍
忽生動而簡約玄澹真致不窮古今絕唱也孝標
之注博賅精覈客主映發並絕古今考隋唐志義
慶又有小說十卷孝標又有續世說十卷今皆不

傳悵望江左風流令人扼腕云

容齋隨筆十五本

宋翰林學士鄱陽洪邁著一筆十六卷二筆十六卷三筆十六卷四筆十六卷五筆十卷總七十四卷其自題曰予老去習懶讀書不多意之所之隨卽紀錄因其後先无復詮次故目之曰隨筆○朱子曰洪景盧隨筆中辯得數種偽書皆是但首卷載歐帖事却非實世間偽書如西京雜記顏師古已辯之矣

何氏語林六本

明翰林華亭何良俊撰歸安第坤評總三十卷文
震孟序曰義例全倣臨川新語自漢魏以迄勝國
為類三十有八為事二千七百有奇

世說新語補八本

明王世貞輯合世說語林而稍刪之

鴻苞集十六本

明禮部主事鄞縣屠隆撰張應文稱其書叅合三
教網羅古今精入造化散及名物微言奧義開示
來學甚多然亦未免過諛云

彤管遺編十本

明會稽鄒琥撰集古來女事總二十卷其自序曰
余博閱群書得女之工於文翰者幾四百人編次
成帙名曰彤管遺編取詩人彤管有煒之義也學
行並茂實諸首選文優於行取次列後學富行穢
續為一集別以孽妄文妓終焉

亘史十六本

明潘之恒輯內紀十卷內篇二十三卷外紀四十
五卷外篇二卷襍紀五卷襍篇六卷

書影六本

清櫟下周亮工著總十卷鄧漢儀跋曰回樹屋書

影櫟園先生在請室時撰述其書紀載精覈辨証
明悉上自經史下逮聞見凡可以正人心翼世教
廣學識弘風雅者无不筆記之自擬以老人讀書
祇存影子者蓋譙而又譙也。

說鈴十六本

清吳震芳撰徐倬序稱廣蒐京畿典故殊鄉風俗
辨證今古通徹幽明非尋常薈萃之比取楊子雲
好說而不見諸仲尼則說鈴之語為名

五朝小說四十八本

未詳纂人類聚魏晉唐宋明五朝奇聞異說蓋太

平廣記之體也

古今詞話四本

清吳江沈雄休寧江尚質同輯分詞品詞評詞辨
凡三門

藝玩類

博古圖十二本

宋昭武黃長睿輯自商迄唐彙集古鼎名彝之屬
有圖有說總三十卷○鍾音曰此書題曰寶古堂
重修宣和博古圖錄但觀萬曆癸卯洪世俊序稱
其友吳公宏重刻於寶古堂則僅翻刻原書非有
所增損於其間也

學山堂印譜十本

明婁東張灝編董其昌序曰夷令張長公守經據
古不阿當世叅消息之故識變化之原筭山為娛

性在雲壑嗟乎可以激勵頽俗矣然超時則廢道
違俗則危殆而長公之悲憤生焉於是抒寫臆
以篆刻為說法短言可以書紳長言可以補史淺
言可以解頤深言可以當泣危言可以代箴口銘
座之嚴格言可以喚怡堂厝火之慮乃知長公蘊
忠於孝儲識於材未嘗一日忘世也

印藪六本

明太原王常編一名集古印譜蓋輯楊氏吳氏顧
氏諸印譜自秦漢小璽至于宋元諸印章

象碁譜四本

明拙逸道人著或稱適情雅趣

書畫譜五十六本

清康熙時勅禮部侍郎孫岳頒等纂輯分論書論
畫歷代帝王書畫書家傳畫家傳歷代無名氏書
畫歷代帝王書畫跋歷代名人書畫跋書辨證畫
辨證歷代鑒藏等十五部總一百卷康熙御製序
曰朕萬機燕閒披覽典冊間臨書家名蹟每觀前
代紀錄書畫諸書種類錯互漫无統紀遂即佩文
齋所有者編葺之使各以類相從凡書畫之源流
古今工於此者之姓氏以至聞人之題跋歷代之

鑒藏悉備攷而慎其擇可謂詳且盡矣朕於書畫
偶有題跋檢出數十則為一卷從諸臣之請也

誠一堂琴譜三本

清新安程允基撰備載琴操及製琴之法

琴學正聲五本

清沈琯撰琴學正聲六卷琴譜晰音六卷琴史六
卷姚讓識曰是編自考咒明度操縵指法審聲正
論以迄製曲準繩運指精義匯琴學之大成發聲
理之玄奧

奕譜二本

清海寧范世勳撰

篆字盛京賦三十二本

清乾隆御製用三十二體篆書勅傳恒汪由敦阿克

敦蔣傳等總裁

昨非軒印譜四本

清章坭塞爾登刻

[illegible]

類事類

北堂書鈔十五本

唐姚江虞世南輯明海虞陳禹謨補注分十九部
總一百六十卷禹謨自志曰案唐經籍志北堂書
鈔凡一百七十三卷崇文總目與志同又晁氏志
曰北堂書鈔一百七十三卷世南仕隋為秘書郎
時鈔經史百家之事以備用分八十部八百一類
北堂者省之後堂世南鈔書之所也及案中興書
目僅一百六十卷適符今刻之數豈諸志所載為
原書篇額傳至趙宋已不免有亡篇耶茲刻即未

覩大全亦可謂宋以來之完書矣

藝文類聚十六本

唐太子率更令歐陽詢撰自天文至灾異凡四十
六部總一百卷

冊府元龜二百十五本

宋王欽若等奉勅纂總一千卷真宗御製序曰太
宗皇帝編小說而成廣記纂百氏而著御覽集章
句而製文苑聚方書而譔神醫次復刊廣疏於九
經較開疑於三史脩古學於篆籀總妙言於釋老
朕道遵先志肇振斯文載命羣儒粵自正統至閏

位君臣善迹邦家美政禮樂沿革法令寬猛官師
議論多士名行靡不具載勒成一千一百四門門
有小序述其指歸分為三十一部部有總序

事文類聚五十本

宋建安祝穆輯先以群書要語次以古今事實次
以古今文集分綱列目采摭頗詳焉

事類賦六本

宋校理丹陽吳淑撰遵惇德序曰今觀此書駢四
儷六文約事備經史百家傳記方外之說靡所不
有其視李嶠韋應物詩丁晉公青衿集用功蓋萬萬

矣

釋史彙編一百五本

明叅議上海王圻纂自天文至志異分二十八門
其目三百有二十序謂取仇遠之釋史陶九成之
說郭剛汰增益而成

三才圖會百本

天文地理人物三門係明王圻纂時令以下至文
史十一門圻子思義所續其大指以凡類家俱詳
於文而略於圖故專以圖為主今惟前三門圖甚
詳為諸類書所無其餘據凡例云時令宮室身體

衣服禮樂文史人事與夫冠用草木鳥獸昆虫之類俱各有圖第卷帙浩繁未易卒舉當俟續梓

唐類函四十本

明俞羨長撰取歐陽率更藝文類聚虞永興北堂書鈔徐學士初學記曰香山帖杜氏通典諸書或刪或補合而為一凡四十三部

明辨類函二十本

明新安詹景鳳撰分作者辨造化辨人道辨人品辨四門類聚古今之事言而辨之

稗編三十二本

明武進唐順之編分四十七目總一百二十卷其
自序曰語理而盡於六經語治而盡於六官蔑以
加矣然而諸子百家之異說農圃工賈鑿卜堪輿
占氣星曆方技之小道與夫六藝之節脉碎細皆
儒者之所宜究其說而折衷之末可以為贖而惡
之也史家有諸志裨編者廣諸志而為之者也

右編十八本

明唐順之編分二十一目共四十卷葉向高序曰
右編右史紀言也自治道而下次君相次官闡次
儲嗣次公主外戚次宦官佞幸奸邪朋黨而亂繼

之蓋先生之用意深而寓指微非徒分門別類便
于尋覽已也

圖書編六十四本

明南昌章潢著首河洛象數次五經四書次曆紀
五行次星土山川次禮樂兵刑性理鑒卜凡一百
二十七卷其自序曰河出圖洛出書聖人一皆則
夫天地自然之文今之號稱豪傑者豈特天地之
文章未嘗留意卽圖書名義且莫之辨究其所謂
圖不過畫工之末技所謂書不過文字之煩蕪予
因備采其切于身心關於國家者以類編之題曰

圖書編

問奇類林十五本

明郭良翰纂自君德至譜族總三十五卷

鴻書二十四本

明宣城劉仲達撰以天文地理歲時世系三教五倫人事人品官職文事身體宮室飲食衣帛珍寶咒用音樂方術花木鳥獸鱗介昆虫錄異紀尾分為二十四類焦竑序稱高可以證學卑可以博聞云

山堂肆考六十本

明雒楊彭大翼撰分宮商角徵羽五集自天文地理人事以至昆蟲草木採取古今傳紀彙類發明誠藝圃之名厨文苑之捷徑

彙苑詳註十七本

明國學生晉江鄒道充輯錄典故而分門彙之各系以注凡為部者二十七為卷者三十六

時物典彙二本

明李日華輯自天文至鳥獸為類凡二十有四

百家類纂三十六本

明慈谿沈津纂自黃虞至明朝儒家二十四道家

二十二法家四名家三墨家一縱橫家二雜家八
兵家十凡七十四家總四十卷其自序曰百家者
總諸子之群書也類者以類相從也纂者鈎其玄
而去其疵也百家異方言人人殊不別其類則其
體殺不纂其玄則其旨雜均非所以通萬方之略
也故不揣愚陋僭為證次使考古者得有所覽焉
天中記三十本

明沔陽陳文燭輯起天文終鳥數分類頗詳天中
汝南山也取著作巖名山之意以名

涉世雄譚三本

明邢襄朱正色批輯分九目曰馭虜弭盜處蕃兵
機軍務玄悟朗鑑泛應烈女總八卷

經濟類編五十二本

明太宗伯北海馮琦撰自帝王至雜言為類二十
有二

皇明經濟文輯六本

明餘抗陳其悻輯總二十三卷其自序曰取我朝
先正文擇其有裨於實用者彙而讀之大抵本經
史而約之以時制日久成帙上自聖學儲宮下至
九邊四夷其間宗藩官制財計漕輓天文地理禮

制樂律兵政刑法河渠工虞海防各以類分。

皇明名臣經濟錄三十本

明新安黃訓輯總五十三卷汪雲程序曰憲副黃
君訓羅遺索故銓品徽章爰萃成卷紀繁錄長雖
微不略故勢不拘於創守而業章垂訓者錄焉代
不限於後先而績懋匡時者錄焉職不律於崇卑
而謀深定國者錄焉論不分於激諷而事專毗主
者錄焉風不析於南北而識裕通方者錄焉文不
必疏於朝陳於野而理切治典言晰機宜者錄焉
首開國以昭思艱肇祚之謀繼保治以勅垂成文

敝之戒先館閣以弘握樞運化之原附九卿以懋
分曹就業之治

八編類纂八十本

明翰林院編修陳仁錫纂輯彙丘濬大學衍義補
唐順之史纂左編右編稗編章潢圖書編鄧元錫
函史編馮應京實用編馮琦經濟類編分三十六
類曰易曰書曰詩曰春秋曰三禮曰樂曰吏曰戶
曰禮曰兵曰刑曰工曰天曰地曰人曰君曰后曰
儲曰宗曰公主曰臣曰將曰學曰烈婦曰戚曰鎮
曰邊曰倖曰奸曰盜曰纂曰夷曰亂曰諸家曰文

曰治總二百八十五卷仁錫序曰諸編首行義補何也其書主齊治均平極聖功神化此本朝第一封事也諸編皆有意籌當世之務或博而寡要或冗而多複予總以題目刪其泛濫大都西漢而上錄文辭東漢而下采謀畫旁及它書補以圖說

圖書集成五千二十二本

清康熙時勅內閣纂輯為篇有六曰曆象曰方輿曰明倫曰博物曰理學曰經濟為典有三十二曆象之典四方輿之典四明倫之典八博物之典四理學之典四經濟之典八總一萬卷

淵鑑類函一百四本

清康熙御撰御製序曰類書之最著者藝文類聚
北堂書鈔初學記白帖杜氏通典宋明以來撰者
寢廣獨俞安期唐類函頗稱詳括大抵祖述歐陽
詢之類聚稍刪存書鈔初學記白帖通典而附益
之安期明人也而曰唐類函者以其皆唐輯也旣
缺宋以來書而唐以前亦有脫漏者爰命儒臣逖
稽旁搜增其所無詳其所略以類相從而類始備
焉書成計四百五十卷夫自有類書迄於今千有
餘年而集其大成可不謂斯文之少補乎

駢字類編一百三十本

清康熙御定凡例曰是書義取駢字必選字面確實的然成類不假牽合造作者除虛字不采外將天地時令山水屋處珍寶數目方隅彩色器物草木鳥獸虫魚分為一十二門至如字面雖實而類聚不倫及不甚雅馴或於對屬无取者槩不泛及云總二百四十卷

廣事類賦十本


清無錫華希閔因宋吳淑事類賦原目增輯之其自序曰淑當太宗時以優博見賞既進是賦奉詔

為注三十卷歷五百餘年予六世祖都事公當有
明嘉靖承平之日重鋟又二百年而家君子收之
散佚之後間有未備命希閔增廣凡四十卷

格致鏡原二十四本

清太學士海寧陳元龍輯總一百卷其自序曰康
熙中有旨就家中編纂歷代賦彙自天文地理人
事之繁以迄草木昆虫之細瑣因古人所賦之物
推暨所未賦之物彙其出處晰其名類題曰格致

鏡原



叢書類

說郛一百六十八本

元天台陶宗儀撰採取經史傳紀百氏雜家之書
剪楊子語名曰說郛又做道書以一卷為一弓凡
一百十一弓後姚安陶珽撰說郛續又四十六弓
漢魏叢書五十四本

明括蒼何鏜輯分經翼別史子餘載籍四目總七
十六種○何允中曰叢書彙自何先生鏜板行於
新安程氏何氏舊目百種程氏僅梓三十七故茲
搜益其半云

唐宋叢書四十三本

明錢塘鍾人傑輯依漢魏叢書凡例補其遺書錄
其後出總八十八種

稗海八十本

明尚書會稽商濬輯凡七十四種其自序曰黃門
鈿石溪銳情稽古藏書世學樓者積至數千函余
時得縱觀焉撮其紀載有體議論的確者旁收縉
紳家遺書校付剞劂總名之曰稗海

眉公秘笈六十一本

明華亭陳繼儒輯皆薈萃說部之書而間以自著

附之有正笈普笈彙笈廣笈續笈

諸子彙函二十七本

明歸有光輯○文震孟序曰世有澆漓時移治亂
文體遷變邪正各殊然或激清風或陳盛藻或黼
黻相輝或宮商間起曰物騁詞情靈無碍凡所著
述揔屬儒家諸子之大凡也其粹者鼓吹聖謨而
其悍者或另正學翼經叛經統繫是焉讀者善擇
之爾林居多暇欲稍寘力於七畧四部表裏經術
為有用之文章而骨懶質昏未遑刪定得歸太僕
彙函聊為標顯就其叙次因其選擇或畧或龐非

予本懷然亦足稱人文鉅麗偉觀云

六子全書三十六本

不知何人合刻老子二本秦河上公章句莊子十本
晉郭象注列子四本晉張湛注荀子十本唐楊
倞注楊子六本宋司馬光輯注文中子四本宋阮
逸注

津逮秘書一百七十九本

明海虞毛子晉輯凡十五集胡震亨序曰子晉毛
君所鑄太典冊積如山諸稗官小說家言亦不啻
數十百種俱購者零槩難舉統為一書名曰津逮

秘書

知不足齋叢書三十二本

清武林鮑廷博輯以八種為一集凡四集朱文藻
序曰天子開四庫全書館徵天下遺書以備采擇
君以善本六百餘種獻之由是知不足齋之名上
徹天聽皇帝親灑宸翰題所進唐闕史及宋仁宗
武經總要二書俾與恩賜古今圖書集成萬卷永
為世寶蓋千載稽古之士未有榮遇如斯者惟君
之苦心宜膺此異數云

龍奎

二